



Broj: 15-03-16-5-1093/15
Datum: 16.10.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke usluga održavanja opreme za personalizaciju smart kartica objavljenom na web portalu Agencije za javne nabavke BiH, broj obavještenja: 1110-7-2-50-3-39/15 od 02.09.2015. godine, koji je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-1093/15 od 14.09.2015. godine, konstatovala je da je rok za dostavu ponuda 05.10.2015. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo jedna (1) ponuda i to ponuđača: MRG Export – import d.o.o. Banja Luka. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što je jedini ponuđač koji je dostavio ponudu MRG Export – import d.o.o. Banja Luka



ocijenjen kao nekvalifikovan nakon izvršene provjere kvalifikacije ponuđača prema uslovima učešća u tenderskoj dokumentaciji, te je njegova ponuda ocijenjena kao neprihvatljiva.

Komisija je utvrdila da ponuđač MRG Export-import doo Banja Luka nije ponudio niti je u Aneksu broj 4 – Obrazac za cijenu ponude upisao cijene rezervnih dijelova specificirane prema korisničkom uputstvu uređaja koji je predmet održavanja. Navedene cijene su trebale biti iskazane u KM, sa dvije decimale, a u tenderskoj dokumentaciji je data napomena da, ukoliko ponuđači to ne učine, će njihove ponude biti ocijenjene kao neprihvatljive. Ponuđač je bio u obavezi da za svaku stavku u ponudi navede cijenu, a popust samo ako isti postoji. Ponuđač je u ponudi izjavio da nije ponudio rezervne dijelove iz razloga jer su se isti navodno prestali proizvoditi u februaru mjesecu tekuće godine.

Kako Ponuđač MRG Export-import doo Banja Luka nije postupio po zahtjevu ugovornog organa iz TD odnosno kako nije ponudio cijene niti jednog rezervnog dijela ponuda istog je ocijenjena kao neprihvatljiva.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema odluke o izboru najpovoljnijeg ponuđača. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

mr. Sinisa Macan

Signed by: SMACAN / digitalno potpisano / digitally signed